



Sermon  
Kxf. Dr. Numlaajtsheb Yaaj

“Cia Li Mus Qhia”

The Resurrection of Our Lord – Easter Sunday  
Our Savior and St. Michael’s Lutheran Church  
4-12-20

Thov txoj koobhmoov txojkev hlub thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Mathais 28:10**, “Then Jesus said to them, “Do not be afraid. Go and tell my brothers to go to Galilee; there they will see me – *Yexus hais rau nkawd haistias*, “*Nej tsis txhob ntshai, neb cia li mus qhia kuv cov thwjtim kom lawv mus rau pem Kalilais, lawv yuav pom kuv ped.*” (ESV) Nov yog tus Tswv Txojlus. (Cross-reference – Mathais 14:27, 26:32, 28:5, 7, 9, 16, Yauhas 20:17, Loos 8:29, Henplais 2:11)

Illustration “tell” (Show Gen. Vang Pao and his funeral)




Naisphoo Vajpov tau tag simneej rau lub 1 hli Hnub 6 Xyoo 2011. Thaum nws txojtia tu nrho xwb, tibneeg coob leej ntau tus cia li mus qhia nws tej txheeb tej ze, tej kwvtij phoojywg txog Naisphoo tau ncaim lub ntiajteb no lawm. Tus twg los tsua tham ped txog Naisphoo Vajpov txojkev tuag. Ibtxhia yuav ntseeg, ibtxhia yuav tsis ntseeg. Tiamsis thaum kawg, muaj tseeb tiag tias Naisphoo Vajpov yeej tau tuag lawm tiag. Txawm yuav muaj tibneeg hawm Naisphoo Vajpov tias nws yog ibtug thawjcoj ntawm haiv tibneeg Hmoob li cas los Nws yuav tsis sawv rov los muaj sia nyob. Vim nws yog tibneeg ntiajteb xwb, nws tsis muaj lub hwjchim yuav sawv rov los li peb tus Cawmseej Tswv Yexus Khetos uas yog Vajtswv. (Show Matthew 28:6)



Yog Yexus tsis sawv ntawm txojkev tuag ces peb yeej tsis muaj cov ntseeg thoob ntiajteb uas ntseeg peb tus Cawmseej Tswv Yexus Khetos. Yog nws tsis sawv ces peb ntseeg txojkev ntseeg yuamkev lawm. Lub qhovntxa qhib plho, Yexus muaj sia zees nyob. Nws kovyeej txojkev txhaum, kev tuag, thiab dabntxwngnyoog lub hwjchim lawm. Vim koj ntseeg Yexus, koj twb kovyeej txojkev tuag, kev txhaum, thiab dabntxwngnyoog lub

hwjchim lawm thiab. Hnubno peb Txojmoozoo qhia txog obtug pojniam mus xyua lub qhovntxa uas lawv muab Yexus faus. Tiamsis nkawd tsis pom Yexus lub cev lawm. Yog li ntawd tus timtswv thiaj li hais rau nkawd haistias, “He is not here, for he has risen – *Yexus sawv lawm, nws tsis nyob no lawm.*” (Mathais 28:6)

I. Obtug pojniam thiaj li (Show Matthew 28:8)



“..... hurried away from the tomb, afraid yet filled with joy, and ran to tell his disciples. .... *nrawm nroos ntawm lub ntxa mus lawm, nkawd ntshai los ntshai, zoosiab los zoosiab, thiab sib tw khiav rov mus qhia rau Yexus cov thwjtim paub.*” (Mathais 28:8) Thaum nkawd tabtom mus nkawd ntsib Yexus, nkawd zoo siab heev. Nkawd mus tuav nkaus Yexus thiab hawm Yexus. (Show Matthew 28:10)



Hnubno koj thiab kuv los yuavtsum zoo siab thiab hawm Tswv Yexus Khetos. Yexus hais rau obtug pojniam ntawd tias, “... Do not be afraid. Go and tell my brothers to go to Galilee; there they will see me – ... *Tsis txhob ntshai, neb cia li*

mus qhia kuv cov thwjtim kom lawv mus rau pem Kalilais, lawv yuav pom kuv ped.” (Mathais 28:10)  
Hnub ntawd, Yexus txib kom nkawd cia li mus qhia Yexus cov thwjtim. (Show Preach to all nations)



Hnubno, Yexus hais ibyam li ntawd rau koj thiab rau kuv kom koj thiab kuv cia li mus qhia txog Yexus txojkev sawv hauv qhovtuag uas yog kovyeej txojkev txhaum, kev tuag, thiab dabntxwngnyoog lub hwjchim lawm. Tiamsis feem ntau ntawm peb tibneeg ntiajteb rau cov uas ntseeg Vajtswv tsis kam cia li mus qhia Vajtswv txojmoozoo. Peb tuaj hawm Vajtswv, siv ib xuajmoos tag xwb ces tag ntawd lawm. Peb tsuas siv lub sijhawm tuaj hawm Vajtswv tag ces dhau ntawd peb twb tsis paub Vajtswv lawm.

- II. Peb cov ntseeg Vajtswv tsis yog tubnkees tsis mus qhia txog txojkev cawmdim ntawm Yexus xwb, peb twb tsis paub haistias peb muaj yeebncuab ntau npaum li yas nyob ibcig peb txhua lub sijhawm. Coob leej ntau tus yeebncuab tuajxub txog txojkev ntseeg txojkev uas Yexus sawv ntawm txojkev tuag. Niajhnuv nimno, peb muaj cov tsis tau ntseeg Vajtswv coob npaum li cas? Txhua lub zos, peb cov Hmoob tseem muaj li 95% tsis tau ntseeg Vajtswv. Mus txog qhovtwg los cov tsis ntseeg coob duas li cov ntseeg. Nov yog zoo li cas? Nws qhia tau haistias, peb cov ntseeg Vajtswv twb tsis cia li mus qhia Txojmoozoo. (Show Romans 10:15)




Paulus tsabntawv sau mus rau Loos haistias, “How, then, can they call on the one they have not believed in? And how can they believe in the one of whom they have not heard? And how can they hear without someone preaching to them – Lawv yuav ua li cas hu tus uas lawv tsis tau ntseeg? Thiab lawv yuav ua li cas ntseeg tus uas lawv twb tsis tau hnov?” Lawv yuav ua li cas hnov yog leejtwg twb tsis tau mus qhia rau lawv.” (Loos 10:14-15) Paulus sau ntxiv haistias, “Everyone who calls on the name of the Lord will be saved – Txhuatus uas thov tus Tswv pab yuav dim.” (Loos 10:13) (Show qeej nruas)



Cov kwvtij nej sawvdaws tig saib nej lub zej lub zos nej tej kwvtij phoojywg sawvdaws saib niajhnuv no zoo li cas? Lawv yuav tuajxub tuammom txog peb cov ntseeg Vajtswv. Tibneeg yuav ua txhuayam kom cov ntseeg tsis muaj peevxwm qhia tau Vajtswv txojkev cawmdim. Nej mus koom ibpluas mov twg los cov tsis ntseeg ntau thawj hlo khiav ua dejnum coj kevcai dabqhua ua kom lwmtus pom thiab paub tias lawv txojkev ntseeg kev cia siab tseemceeb duas txojkev ntseeg Vajtswv. Thaum koj pom tej no, koj puas tu siab tias txojkev uas lawv ua ntawd tsis yog txojkev cawmdim? Losyog koj lub siab yuav kub lug nyob

tsis qab thiab haistias, “Cia li mus qhia Vajtswv Txojmoozoo uas yog txojkev cawmdim ntawm Tswv Yexus Khetos?”


- III. Yog koj xav li no, koj tes dejnum tseem tsis tau tiav. (Show John 14:6)



Peb muaj tes dejnum uas Vajtswv sawmhwm tseg kom peb cia li mus qhia haistias, Yexus sawv lawm. Yexus “yog txojkev yog qhovtseeb thiab yog txojcia” (Yauhas 14:6) Yexus yog tus Tswv ntawm txhuatus tswv, Yexus yog Vajntxwv ntawm txhuatus vajntxwv. Yexus yog lub hauvpaus thiab lub ntsis. Yexus muaj lub hwjchim kav ibpuas tsavyam saum ntuj thiab hauv ntiajteb no.

Yexus hais rau obtug pojniam tias, “cia li mus qhia” Yexus cov thwjtim vim Nws sawv lawm Nws yuav

ntsib lawv rau ped Kalilais. Koj thiab kuv yuavtsum cia li mus qhia lwmtus txog peb tus Cawmseej peb thiaj li yuav ntsib Nws saum ntuj ceebtsheej.



Yog peb tsis mus qhia lwmtus, lwmtus yuav tsis pom Yexus. Cia li mus qhia lwmtus txog Yexus hnuno, tsis txhob tos tagkig. Tsis tag li ntawd xwb thaum Yexus yuav mus saum ntuj nws samhwm tseg kom peb mus koj txhua haiv tibneeg los ua Nws cov thwjtim, muab lawv ua kevcai ntxuav, thiab qhia ib puas tsavyam uas nws tau sawmhwm tseg lawm.


(Show Mission)



Peb yuav cia li mus qhia tau li cas? Yexus haistias, “go and make disciples – *cia li mus muab txhuatus los ua kuv cov thwjtim*” tsis yog peb koj tau tibneeg los ntseeg Vajtswv tiamsis yog peb mus cog lub noob uas yog Vajtswv txojlus rau lwmtus. Thaum lawv hnov Txojmoozoo lawm, Vajtswv mam li hu lawv los ntseeg Vajtswv. Hnubno yog” Easter Sunday – *Hnubso Yexus sawv.*” Yexus sawv lawm. Nws txib Maivliag nkawd, Nws txib koj thiab kuv kom peb cia li mus qhia txog nws txojkev cawmdim. Tsis txhob ntsai. Yexus sawv lawm. Peb txojkev cia siab

txojkev ntseeg thiab txojkev ua neej yog ua rau ntawm peb tus Cawmseej Tswv Yexus Khetos.

(Show empty tomb – He is Risen)



Kuv qhib zajlus qhuabqhia hais txog Naisphoo Vajpov. Tibneeg coob leej ntau tus tau mus qhia lwmtus txog Naisphoo Vajpov txojkev tuag. Kuv kuj hais txog peb lub zej lub zos txog cov tsis ntseeg Vajtswv coob duas cov ntseeg. Yog koj xav haistias, ua li cas tej xovxwm tej zej tej zos me me no xwb, tibneeg coob leej ntau tus yuav hnov thiab paub tag. Vajtswv txojmoozoo nes, ua li cas lwmtus tsis paub? Yog koj xav li no, “your burning heart need to go and tell – *koj lub siab kublug cia li mus qhia*” kom lwmtus paub txog Yexus. Lub qhovntxa qhib khoob lug, kev tuag kov tsis yeej lawm. Yexus sawv lawm! Cia li mus qhia lwmtus. Asmees.

Thov kom Vajtswv txojlus pub rau peb sawvdaws totaub thiab tau nyob kajsiaab lug rau ntawm Tswv Yexus Khetos lub npe. Peb txhuatus uas yog Vajtswv cov menyuum peb sawvdaws hais. Asmees.